



basic education

Department:
Basic Education
REPUBLIC OF SOUTH AFRICA

NATIONAL SENIOR CERTIFICATE

MOPHATO 12

SETSWANA PUOTLALELETSO YA NTLHA (FAL)

PAMPIRI YA BORARO (P3)

NGWANAITSEELE 2014

MEMORANTAMO

MADUO: 100

Roboriki e, e na le ditsebe di le 15.

ELA TLHOKO:

- Dirisa roboriki ka gale fa o tshwaya tlhamo ya boithlamedi (Pampiri 3. KAROLO YA A).
- Maduo a go tloga go 0–50 a arogantswe ka maemo a le 5 a ditlhaloso.
- Mo ditlhokegong tsa Diteng, Puo le Setaele, maemo mangwe le mangwe a tlhaloso a arogantswe ka dikarolwana tsa maemo a a kwa godimo le a a kwa tlase ka seelo sa maduo se se tsamaelanang le ditlhaloso.
- Kagego ga e angwe ke karologantsho ya maemo a a kwa godimo le maemo a a kwa tlase.

ROBORIKI YA TLHATLHOBO TLHAMO YA PUOTLALELETSO YA NTLHA [50 MADUO]

Ditlhokego		Phitlhelelo ka dinaledi	Phitlhelelo ka matsetseleko	Phitlhelelo ka tekano	Phitlhelelo e e tlhaelang	Ga a fitlhelela
DITENG LE IPAANKANYO (Tsibogelo le dikakanyo) Thulaganyo ya dikakanyo tsa ipaakanyo Temogo ya maitlthomo, baamogedi le bokao 30 MADUO	Maemo a a kwa godimo	28–30	22–24	16–18	10–12	4–6
		-Tsibogelo ya maemo a a kwa godimo go gaisa a a tlwaelegileng -Dikakanyo tse di bothale, tse di gwetlhang mogopolo le go supa kgolo -E rulagantswe le go lomagana ka maemo a dinaledi go tsenyeletsa matseno, mmele le bokhutlo	-Tsibogelo e e tlhamilweng ka matsetseleko -Dikakanyo tse di maleba tota gape di kgatlhisa le bosupi jwa kgolo -E rulagantswe bontle thata le go lomagana go tsenyeletsa matseno, mmele le bokhutlo	-Tsibogelo e e itumedisang -Dikakanyo di lomagane mo go tlhaloganyegang e bile go kgotsofatsa -E rulagane le go lomagana mo go tlhaloganyegang go tsenyeletsa matseno, mmele le bokhutlo	-Tsibogelo ya tomagano e e sa tlhomamang -Dikakanyo tse di sa tlhapang e bile di se na boithlamedi -Bosupi jo bonnye jwa thulaganyo le tomagano	-Tsibogelo e e seng maleba gotlhelele -Dikakanyo tse di tlhakathakaneng le go tlhoka tsepamo -Di gasagane le go boelediwa -Ga e a rulagana e bile ga e a lomagana
	Maemo a a kwa tlase	25–27	19–21	13–15	7–9	0–3
		-Tsibogelo e e manontlhotlho mme e tlhaela ditlhokego tse di tsibosang tsa tlhamo ya maemo a dinaledi -Dikakanyo tse di bothale e bile di supa kgolo -E rulagantswe ka matsetseleko le ka tomagano go tsenyeletsa matseno, mmele le bokhutlo	-Tsibogelo e e tlhamilweng ka matsetseleko -Dikakanyo tse di maleba gape di kgatlhisa -E rulagantswe bontle le go lomagana go tsenyeletsa matseno, mmele le bokhutlo	-Tsibogelo e e itumedisang mme e latlhelwa ke go tlhaloganyesega -Dikakanyo di lomagane le go kgotsofatsa -Maemo a a rileng a thulaganyo le tomagano go tsenyeletsa matseno, mmele le bokhutlo	-Bogolo jwa tsibogelo ga bo maleba -Dikakanyo tse di sa lomaganeng e bile di tlhakathakane -Ga go na bosupi jwa thulaganyo le tomagano	-Ga go na maiteko a go tsibogela setlhogo -Dikakanyo tse di seng maleba e bile di sa siama gotlhelele -Ipaakanyo e e sa tsepamang e bile e tlhakathakane

ROBORIKI YA TLHATLHOBO TLHAMO YA PUOTLALELETSO YA NTLHA [50 MADUO] (continued)

Ditlhokego		Phitlhelelo ka dinaledi	Phitlhelelo ka matsetseleko	Phitlhelelo ka tekano	Phitlhelelo e e tlhaelang	Ga a fitlhelela
PUO, SETAELE LE GO TSELEGANYA/RUNA Segalo, rejisetara, setaele le tlotlofoko tse di maleba go maikaelelo/ ditlamorago le bokao Tlhopho ya mafoko Tiriso ya puo le melawana, tiriso ya matshwao a puiso, thutapuo le mopeleto 15 MADUO	Maemo a kwa godimo	14–15 -Segalo, rejisetara, setaele le tlotlofoko di maleba le maikaelelo, baamogedi le bokao ka maemo a a kwa godimo -Puo e e tlhololo, e itumedisa ka maemo a a tlhaolegileng -Segalo se se nang le maikaelelo a a tlhotlheletsang -Ga go na diphoso tsa thutapuo le tsa mopeleto ka gotlhe -Puo e e manontlhotlho ya maemo a a kwa godimo	11–12 -Segalo, rejisetara, setaele le tlotlofoko di maleba thata le maikaelelo, baamogedi le bokao -Puo e nonofile le tiriso ya segalo e maleba -Bogolo jwa yona ga bo na diphoso tsa thutapuo le mopeleto -Puo e tshamilwe ka matsetseleko	8–9 -Segalo, rejisetara, setaele le tlotlofoko di maleba le maikaelelo, baamogedi le bokao -Tiriso e e maleba ya puo go tlhagisa bokao -Segalo se maleba -Tiriso ya malepa a a tlhotlheletsang ya go tlhagisa diteng	5–6 -Segalo, rejisetara, setaele le tlotlofoko ga di maleba le maikaelelo, baamogedi le bokao -Tiriso ya puo ke ya maemo a motheo thata -Segalo, tlhopho le tiriso ya mafoko e e seng maleba -Tlotlofoko e lekanyeditswe thata	0–3 -Puo ga e tlhaloganyesege -Segalo, rejisetara, setaele le tlotlofoko bomaleba jwa tsona bo kwa tlase le maikaelelo, baamogedi le bokao -Tlotlofoko e nnye thata mme e dira gore go nne thata go tlhaloganya
		Maemo a kwa tlase	13 -Puo e e matsetseleko ya tlhotlheletso e e nonofileng mo segalong -Ga e na diphoso tsa thutapuo le tsa mopeleto ka gotlhe -E tshamilwe ka manontlhotlho	10 -Puo e e ngokang e bile e nonofile ka kakaretso -Segalo se se siameng se nonofile -Diphoso tse di mmalwa tsa thutapuo le mopeleto -E tshamilwe bontle	7 -Tiriso ya puo e e mo magareng, ka go tlhoka tsepamo -Segalo se siame ka kakaretso le tiriso e e lekanyeditsweng ya malepa a tlhotlheletso	4 -Tiriso e e bokoa ya puo -Mefuta ya dipolelo e mennye kgotsa ga e teng gotlhelele -Tlotlofoko e e lekanyeditsweng tota
KAGEGO Diponagalo tsa sethangwa Kago ya ditemana le go tlangwa ga dipolelo 5 MADUO		5 -Kago e e manontlhotlho ya setlhogo -Dintlhana tse di tlhaolegileng -Dipolelo, ditemana di bopilwe bontlentle	4 -Kago e e latelanang ya dintlhana -Lomagane -Dipolelo, ditemana, di latelana, di a farologana	3 -Kago ya dintlhana tse di maleba -Dipolelo, ditemana tse di bopilweng sentle -Tlhamo e sa ntse e na le tlhaloganyo	2 -Go na le dintlha dingwe tse di amogelesegang -Dipolelo le ditemana di fosagetse -Tlhamo e sa ntse e na le tlhaloganyo	0–1 -Dintlha tse di botlhokwa di a tlhala -Dipolelo le ditemana di fosagetse -Tlhamo e tlhoka tlhaloganyo
SEELO SA MADUO		43–50	33–40	23–30	13–20	0–10

ROBORIKI YA TLHATHOBO YA SETLHANGWA SA TIRISANO SE SELEELE SA PUOTLALELETSO YA NTLHA [30 MADUO]

Ditlhokego	Phitlhelelo ka dinaledi	Phitlhelelo ka matsetseleko	Phitlhelelo ka tekano	Phitlhelelo e e tihaelang	Ga a fitlhelela
DITENG, THULAGANYO LE SEBOPEGO Tsibogelo le dikakanyo Kokoanyo ya dikakanyo gore go rulaganngwe Maitlthomo, baamogedi, diponagalo/melawana le tiriso MADUO 18	15–18 -Tsibogelo ya maemo a a kwa godimo go gaisa se se lebeletsweng ka gale -Dikakanyo tse di bothhale, tse di gamogileng -Kitso e e tseneletseng ya diponagalo tsa mofuta wa setlhangwa -Kwalo e e tsepameng -Diteng le dikakanyo di lomagane -Tlhaloso ya maemo a a kwa godimo e bile dintlha tsotlhe di tshegetsang setlhogo -Sebopego se se maleba gape se nepagetse	11–14 -Tsibogelo e ntle tota e e bontshang kitso e ntle ya diponagalo tsa mofuta wa setlhangwa -E tsepame – ga e a fapoga setlhogo -Diteng le dikakanyo di lomagane, dintlha tse di thadisitsweng sentle gape di tshegetsang setlhogo -Sebopego se se lolameng ka diphoso tse dinnye	8–10 -Tsibogelo e e lekaneng e e bontshang kitso ya diponagalo tsa mofuta wa setlhangwa -Ga e a tsepama ka gotlhe – go na le go eta e fapoga mo setlhogong -Diteng le dikakanyo di lomagane mo go utlwalang -Dintlha dingwe di tshegetsang setlhogo -Sebopego se se maleba ka kakaretso fela go na le go sa nepagale go go rileng	5–7 -Tsibogelo e e kwa tlase e e supang kitso ya diponagalo tsa mofuta wa setlhangwa -Go na le tsepamo e e rileng mme kwalo e fapogile setlhogo -Diteng le dikakanyo ga di lomagane ka gale. Ke dintlha tse di mmalwa tse di tshegetsang setlhogo -Tiriso e e phatlhaletseng ya melawana ya sebopego -Go tlodisiwa matlho go go tseneletseng	0–4 -Tsibogelo e senola go tlhoka kitso ya diponagalo tsa mofuta wa setlhangwa -Bokao jo bo kgoreletsegileng ka go fapoga setlhogo go go feteletseng -Ga go na tomagano ya diteng le dikakanyo -Ke dintlha di le mmalwa fela tse di tshegetsang setlhogo -Ga go a dirisiwa melawana ya sebopego
PUO, SETAELE LE GO TSELEGANYA/RUNA Segalo, rejisetara, setaele, maitlthomo, baamogedi le tiriso Tiriso ya puo le melawana Tlhopho ya mafoko Matshwao a puo le mopeleto MADUO 12	10–12 -Segalo, rejisetara, setaele le tlotlofoko tse di lolameng thatathata le maitlthomo, baamogedi le tiriso -Thutapuo e nepagetse e bile e agegile sentle -E e se nang diphoso gotlhelele	8–9 -Segalo, rejisetara, setaele le tlotlofoko tse di lolameng thata le maitlthomo, baamogedi le tiriso -Thutapuo e nepagetse ka kakaretso e bile e agegile sentle -Tlotlofoko e e siameng tota -Bogolo ga go na diphoso	6–7 -Segalo, rejisetara, setaele le tlotlofoko di maleba le maitlthomo, baamogedi le tiriso -Go diphoso dingwe tsa thutapuo -Tlotlofoko e e lekaneng -Diphoso ga di kgoreletse bokao	4–5 -Segalo, rejisetara, setaele le tlotlofoko di fosagetse go le gonnye go maitlthomo, baamogedi le tiriso -Thutapuo e e sa lolamang ka diphoso tse dintsi -Tlotlofoko e e lekanyeditsweng -Bokao bo kgoreletsegile	0–3 -Segalo, rejisetara, setaele le tlotlofoko ga di tsamaisane le maitlthomo, baamogedi le tiriso -E phephetha ka diphoso gape e tlhakatlhakane -Tlotlofoko ga e maleba go maitlthomo -Bokao bo kgoreletsegile tota
SEELO SA MADUO	25–30	19–23	14–17	9–12	0–7

ROBORIKI YA TLHATLHOBO YA SETLHANGWA SA TIRISANO SE SEKHUTSHWANE SA PUOTLALELETSO YA NTLHA KAROLO YA C [20 MADUO]

Ditlhokego	Phitlhelelo ka dinaledi	Phitlhelelo ka matsetseleko	Phitlhelelo ka tekano	Phitlhelelo e e tihaelang	Ga a fitlhelela
DITENG, THULAGANYO LE SEBOPEGO Tsibogelo le dikakanyo Kokoanyo ya dikakanyo gore go rulaganngwe Maitlhommo, baamogedi, diponagalo/melawana le tiriso MADUO 12	10–12 -Tsibogelo ya maemo a a kwa godimo go gaisa se se lebeletsweng ka gale -Dikakanyo tse di botlhale, tse di gamogileng -Kitso e e tseneletseng ya diponagalo tsa mofuta wa setlhangwa -Kwalo e e tsepameng -Diteng le dikakanyo di lomagane -Tlhaloso ya maemo a a kwa godimo e bile dintlha tsotlhe di tshegetsang setlhogo -Sebopego se se maleba gape se nepagetse	8–9 -Tsibogelo e ntle tota e e bontshang kitso e ntle ya diponagalo tsa mofuta wa setlhangwa -E tsepame – ga e a fapoga setlhogo -Diteng le dikakanyo di lomagane, dintlha tse di thadisitsweng sentle gape di tshegetsang setlhogo -Sebopego se se lolameng ka diphoso tse dinnye	6–7 -Tsibogelo e e lekaneng e e bontshang kitso ya diponagalo tsa mofuta wa setlhangwa -Ga e a tsepama ka gotlhe – go na le go eta e fapoga mo setlhogong -Diteng le dikakanyo di lomagane mo go utlwalang -Dintlha dingwe di tshegetsang setlhogo -Sebopego se se maleba ka kakaretso fela go na le go sa nepagale go go rileng	4–5 -Tsibogelo e e kwa tlase e e supang kitso ya diponagalo tsa mofuta wa setlhangwa -Go na le tsepamo e e rileng mme kwalo e fapogile setlhogo -Diteng le dikakanyo ga di lomagane ka gale. Ke dintlha tse di mmalwa tse di tshegetsang setlhogo -Tiriso e e phatlhaletseng ya melawana ya sebopego -Go tlodisiwa matlho go go tseneletseng	0–3 -Tsibogelo e senola go tlhoka kitso ya diponagalo tsa mofuta wa setlhangwa -Bokao jo bo kgoreletsegileng ka go fapoga setlhogo go go feteletseng -Ga go na tomagano ya diteng le dikakanyo -Ke dintlha di le mmalwa fela tse di tshegetsang setlhogo -Ga go a dirisiwa melawana ya sebopego
PUO, SETAELE LE GO TSELEGANYA/ RUNA Segalo, rejisetara, setaele, maitlhommo, baamogedi le tiriso Tiriso ya puo le melawana Tlhopho ya mafoko Matshwao a puo le mopeleto MADUO 08	7–8 -Segalo, rejisetara, setaele le tlotlofoko tse di maleba thatathata le maitlhommo, baamogedi le tiriso -Thutapuo e nepagetse e bile e agegile sentle -E e se nang diphoso gotlhelele	5–6 -Segalo, rejisetara, setaele le tlotlofoko tse di maleba thata le maitlhommo, baamogedi le tiriso -Thutapuo e nepagetse ka kakaretso e bile e agegile sentle -Tlotlofoko e e siameng tota -Bogolo ga go na diphoso	4 -Segalo, rejisetara, setaele le tlotlofoko di maleba le maitlhommo, baamogedi le tiriso -Go diphoso dingwe tsa thutapuo -Tlotlofoko e e lekaneng -Diphoso ga di kgoreletse bokao	3 -Segalo, rejisetara, setaele le tlotlofoko di fosagetse go le gonnye go maitlhommo, baamogedi le tiriso -Thutapuo e e sa lolamang ka diphoso tse dintsi -Tlotlofoko e e lekanyeditsweng -Bokao bo kgoreletsegile	0–2 -Segalo, rejisetara, setaele le tlotlofoko ga di tsamaisane le maitlhommo, baamogedi le tiriso -E phephetha ka diphoso gape e tlhakatlhakane -Tlotlofoko ga e maleba go maitlhommo -Bokao bo kgoreletsegile tota
SEELO SA MADUO	17–20	13–15	10–11	7–8	0–5

PUOTLALELETSO YA NTLHA PAMPIRI YA 3 – NGWANAITSEELE 2014**GO KWALA LE GO TLHAGISA****THANOLO YA DIPOTSO****KAROLO YA A: TLHAMO****MADUO: 50**

DINOMORO TSA DIPOTSO	DITLHOGO	MEFUTA YA DITLHAMO
1.1	Keteko ya metsotso e le masomeamaratarosupa (67 minutes) ya letsatsi la ga rre Nelson Mandela.	Kanelo
1.2	Nka kgona go fedisa bothokotsebe mo dikolong.	Maitlhommo
1.3	Tlhago o bothokwa, o tlhoka go tlhokomelwa.	Tlhaloso/Kanelo
1.4	Ija! Thekenoloji ya tla ya fetola matshelo a rona.	E e sa tseyeng letlhakore
1.5	Madi/Tšhelete a na le maatla, a kgona go bula dikgoro tsotlhe. Dumalana kana o ganetsane le ntlha e.	Ngangisano
1.6	Tshekatsheko ya ditshwantsho.	Kanelo/Tlhaloso/E e sa tseyeng letlhakore/Ngangisano/Maitlhommo

KAROLO YA B: DITLHANGWA TSE DILEELE TSA TIRISANO: MADUO – 30

DINOMORO TSA DIPOTSO	MOFUTA WA SETLHANGWA
2.1	Lekwalo la Semmuso (Formal Letter)
2.2	Pegelo e e tlhomameng (Formal Report)
2.3	Thadiso ya Buka (Book Review)
2.4	Potsotherisano (Interview)

KAROLO YA C: DITLHANGWA TSE DIKHUTSHWANE TSA TIRISANO: MADUO – 20

DINOMORO TSA DIPOTSO	MOFUTA WA SETLHANGWA
3.1	Phousetara (Poster)
3.2	Bukatsatsi (Diary)
3.3	Dikaelo (Directions)

PALOGOTLHE: 100

MEFUTA YA DITLHAMO**1.1 TLHAMO YA KANELO**

Mofuta o wa tlhamo, o anela ka sengwe kgotsa tiragalo e e fetileng. E ka kwalwa go tswa mo matlhakoreng a a farologaneng.

Setlhogo	Dintlha tse di solofetsweng
Keteko ya metsotso e le masomeamaratarosupa (67 minutes) ya letsatsi la ga rre Nelson Mandela.	<ul style="list-style-type: none"> ✓ Motlhatlhojwa a supe letsatsi la matsalo. ✓ A tlhagise ditiragalo tsa metsotso e le somemarataro le bosupa. ✓ A tlhagise ditiragalokgolo tse rre Mandela a ka gopolwang ka tsona, boineelo jwa gagwe mo go direleng setšhaba jalojalo. ✓ A ka tsenyeletsa thotloetso e botshelo jwa ga rre Mandela bo nnileng le yona mo bathong ba ba farologaneng/dinageng tse di farologaneng. ✓ A ka re bolelela gore ena o le tsibogetse/ketekile jang.

Kaedi ya go tshwaya tlhamo ya kanelo:

- Ditiragalo di tshwanetse go latelana sentle.
- Tlhamo e, e kwalwe ka paka e e fetileng.
- Matseno e nne a a ngokang.
- Kanelo go le gantsi e tlhagisa ntlha e e rileng.
- Bokhutlo e nne jo bo kgodisang.
- Kanelo e tshwanetse go ngoka mmuisi go tloga kwa tshimologong go fitlha kwa bofelong.
- Setaele, puo le ditiragalo di tshwanetse go itumedisa babuisi.
- Go tshwanetswe go elwe tlhoko gore mofuta o wa tlhamo o a anela.

1.2 TLHAMO YA MAITLHOMO

Mo mofuteng o wa tlhamo, motlhatlhojwa o leba kakanyo, a bo a tlhagisa maikutlo/tsibogo ya gagwe. Motlhatlhojwa a ka leba ditoro kgotsa se a eletsang go se fitlhelela mo botshelong jwa gagwe, mme a kwale maitlhamo a gagwe.

Setlhogo	Dintlha tse di solofetsweng
Nka kgona go fedisa botlhokotsebe mo dikolong.	<ul style="list-style-type: none"> ✓ Motlhatlhojwa a tlhagise gore o tla dira eng. ✓ A bolele seabe se a ka nnang le sone mo barutwaneng. ✓ A bolele seabe se a ka nnang le sona mo go fitlheleleng maikutlo a barutabana. ✓ A tshitshinye mekgwa ya thotloetso e e ka dirisiwang go fitlhelela katlego, sekao, go dira ka natla, go nna pelotelele, go reetsa melao ya sekolo, jalojalo. ✓ Motlhatlhojwa a tthalose se botlhokotsebe e leng sona. ✓ Motlhatlhojwa a tlhagise dintlha tse di dirang gore barutwana ba iphitlhele ba dirile botlhokotsebe. ✓ A tlhagise maitemogelo a gagwe ka botlhokotsebe. ✓ A bontshe ka moo tharabololo ka kakaretso e ka fitlhelelwang ka teng.

Kaedi ya go tshwaya tlhamo ya maitlhamo:

- Tlhamo ya maitlhamo e tseye letlhakore.
- Maikutlo a tsaya karolo e e botlhokwa.
- Karolo e kgolo mo tthamong ke go tthalosa. Ditlhaloso di tshwanetse go bonala, maikaelelo e le go tlhagisa gape maikutlo a motlhatlhojwa a nako e e fetileng.
- Dikakanyo/Megopolo/Maikutlo di tshwanetse go senola boammaaruri le maitemogelo.

1.3 TLHAMO YA TLHALOSO

Mokwadi mo tlamong e, o tihalosa sengwe ka mokgwa o mmuisi a tla itemogelang se se tihalosiwang jaaka go batlega.

Setlhogo	Dintlha tse di solofetsweng
Tlhago o botlhokwa, o tlhoka go tlhokomelwa.	<ul style="list-style-type: none"> ✓ Motlhatlhojwa a re bolelele gore goreng tlhago e tshwanetse go somarelwa. ✓ A neele dikao tsa dilo tse di akaretsang tlhago. ✓ Motlhatlhojwa a bontshe botlhokwa jwa tlhago mo ikonoming. ✓ Motlhatlhojwa a bontshe ditlamorago tsa go se somarele tlhago. ✓ Motlhatlhojwa a tlhagise thuto e a ithutileng yona ka tshomarelo ya tlhago.

Kaedi ya go tshwaya tlhamo ya tlhaloso:

- Motlhatlhojwa o tshwanetse go bopa setshwantsho ka mafoko a a a filweng.
- Motlhatlhojwa a tlhophe mafoko le tiriso ya mafoko a a senolang maikutlo ka kelotlhoko go gorosa molaetsa sentle.
- Puo ya botshwantshi e dirisiwe ka boitshimoleledi.
- Motlhatlhojwa a bontshe fa a na le maitemogelo mo setlhogong se.

1.4 TLHAMO E E SA TSEYENG LETLHAKORE

Tlhamo ya mofuta o, e tlhagisa dikakanyo kgotsa tshedimosetso ka tlhomamo. Mo mofuteng o wa tlhamo, motlhatlhojwa o tshwanetse go tihalosa dikakanyo kgotsa dintlha ka tatelano, matlhakore a lekalekane.

Setlhogo	Dintlha tse di solofetsweng
Ija! Thekenoloji ya tla ya fetola matshelo a rona.	<ul style="list-style-type: none"> ✓ Motlhatlhojwa a tlhagise dintlha tsa matlhakore oomabedi. ✓ A tlhagise dintlha tse di bontshang gore thekenoloji e fetotse matshelo jang. ✓ A tlhagise dintlha tse di bontshang botlhokwa jwa thekenoloji mo matshelong a rona. ✓ Motlhatlhojwa o tshwanetse go tlhaloganya sentle se se solofelwang mo go ena e bile o tshwanetse go tlhagisa matlhakore a mabedi a ngangisano ka kitso e e tletseng. ✓ Motlhatlhojwa a ka tlhagisa kakanyo ya gagwe kwa bofelong jwa tlhamo fa a konotela.

Kaedi ya go tshwaya tlhamo e e sa tseyeng letlhakore:

- Setlhogo se tshwanetse go tlhalogannngwa sentle.
- Go botlhokwa gore se motlhatlhojwa a se buang kgotsa a se tlhagisang se tshegediwe ka dintlha.
- Motlhatlhojwa o tihalosa bokao jo bo sa tlwaelegang gore mmuisi a tlhaloganye setlhogo le fa e le gore ga a na kitso e e tseneletseng.
- Dikakanyo di rulagane, di lolame mme di neye tlhaloso go simolola ka tse di itsegeng go ya ka tse di sa itsegeng.
- Tlhamo ya mofuta o, e kwalwe ka pakajaanong.

1.5 TLHAMO YA NGANGISANO

Mo tlhamong e, motlhatlhojwa o tthagisa kakanyo, ntlhakemo mme a nganga ka maitlhommo a go dibela ntlhakemo ya gagwe. Kakanyo ya motlhatlhojwa e tshwanetse go totobala go simolola kwa ntlheng go fitlha kwa bofelong. Tlhamo e, e tshwanetse go tthagisa letlhakore le le lengwe mme motlhatlhojwa a leke go pateletsa mmuisi go leba ditiragalo ka leitlho la gagwe.

Setlhogo	Dintlha tse di solofetsweng
Madi/Tšhelete a na le maatla, a kgona go bula dikgoro tsotlhe. Dumalana kana o ganetsane le ntlha e.	<ul style="list-style-type: none"> ✓ Motlhatlhojwa a tthagise gore a o dumalana le setlhogo kgotsa nnyaya. ✓ A tthagise dintlha tse di tlotlheleditseng ntlhakemo ya gagwe. ✓ Ba ba dumelanang le setlhogo ba tthagise dintlha tse di ka bontshang botlhokwa jwa madi/tšhelete mo botshelong. ✓ Ba ba ganetsanang le setlhogo ba neele dintlha tse di bontshang mathata a a ka tlisiwang ke madi/tšhelete.

Kaedi ya go tshwaya tlhamo ya ngangisano:

- Motlhatlhojwa a simolole ka go tthagisa ntlhakemo ya gagwe go bontsha boitshimololeli.
- A neye mefuta ya dingangisano go tshegetsa ntlhakemo ya gagwe mme a tthalose se.
- Tlhamo e, e tthagise letlhakore le le lengwe mme dikakanyo di tthagisiwe ka kgatelelo e kgolo, go dirisiwe mefuta e e farologaneng ya didiriswa tsa puo le dithekeniki tsa tirisopuo.
- Puo e dirisiwe ka maikutlo mme motlhatlhojwa a se ka a tlhoka maitseo.
- Bokhutlo bo tshwanetse go tthagisa kakanyo e e tlhomameng, e e tlhologanyegang mme e pateletse mmuisi go dumalana le se se tthagisitsweng. Tlhamo ya mofuta o, e kwalwe ka pakajaanong.

1.6-1.8 Tlhamo ya kanelo/maitlhommo/e e sa tseyeng letlhakore/tlhaloso/ ngangisano

DITLHANGWA TSE DILEELE TSA TIRISANO**2.1 LEKWALO LA SEMMUSO (FORMAL LETTER)**

Lekwalo la semmuso le kwalwa ke mongwe a kwalela moemedi wa setheo. Ga go na matsogo le fa lo ka tswa lo itsane ka mokgwa mongwe. Puo e e dirisiwang ke e e tlhomameng e bile e tota kang e e umakilweng mo potsong kwa ntle ga go dikadika.

Lekwalo la semmuso (Formal Letter)	Dintlha tse di solofetsweng
Motlhatlhojwa o kwala lekwalo la ditebogo mme o le lebisa go ba Lefapha la <i>Human Settlement</i> .	<ul style="list-style-type: none"> ✓ Motlhatlhojwa a tlhagise boleng le mathata a ntlo e ba neng ba nna mo go yona. ✓ A tlhagise maikutlo a gagwe ka tokafalo ya botshelo jwa kwa ga gaabo ka ntlha ya go bo ba agetswe ntlo ya mofuta oo. ✓ A tlhagise se se mo itumedisitseng thata, se se dirileng gore a kwale tebogo e, ke gore, a kwale tebogo ka botlalo.

Kaedi ya go tshwaya: Lekwalo la semmuso (Formal Letter)

- Kagego ya lekwalo e nne maleba, sekao, diaterese tse pedi, setlhogo, ditemana, jalojalo.
- Morago ga aterese ya bobedi, motlhatlhojwa a kwale fela – Rra/Mma mme a kwale setlhogo.
- Setlhogo: Motlhatlhojwa a kwale setlhogo ka ditlhakakgolo.
- Diteng: Di nne dikhutshwane e bile di tote ntlha, fela go dirisiwe dipolelo tse di tletseng e seng ka mokgwa wa thelekeramo.
- Motlhatlhojwa a dirise mafoko a a latelang: (ke a leboga le ka boikobo).
- Motlhatlhojwa a kwale MOSAENO KGOTSA SEFANE LE DITLHAKAINA kwa tlase fela.

2.2 PEGELO YA TSHEDIMOSETSO (INFORMATION REPORT)

Pegelo ke tshaloso e e rulagantsweng ya ditiragalo, maitemogelo le diphitlhelelo ka mokwadi.

Pegelo ya tshedimosetso (Information Report)	Dintlha tse di solofetsweng
Motlhatlhojwa o kwala pegelo ya tshedimosetso ka disenyi tse di tseneng mo ntlong ya kwa ga gaabo.	<ul style="list-style-type: none"> ✓ Motlhatlhojwa a tshalose maikaelelo a pegelo. ✓ A kwale ditiragalo ka botlalo le ka tatelano. ✓ A tshalose ditshenyegelo tse di diragetseng. ✓ A se akaretse ditiragalo tse di seng maleba. ✓ A tlhagise setlhogo, mmele, bokhutlo, dikatlenegiso, metswedi le dimametlelelo. ✓ A dirise rejisetara le mokgwa wa puo o o repileng.

Kaedi ya go tshwaya: Pegelo ya tshedimosetso (Information Report)

- Motlhatlhojwa a tshalose letlha le nako ya tiragalo.
- A tshalose disenyi ka botlalo, sekao, tshobotsi, moaparo, jalojalo.
- A tshalose mokgwa o o dirisitsweng go thuba. A tshalose se se utswitsweng mo ntlong.

2.3 THADISO YA BUKA (BOOK REVIEW)

Thadiso ya buka ke botlhami jo mothadisi a neelanang ka se buka e neng e bua ka sona ka boripana. O tshwanetse go sobokanya, go sekaseka le go tsibogela setlhangwa sa tiragatso (buka) ka tsela e e maleba.

Thadiso ya Buka (Book Review)	Dintlha tse di solofetsweng
Motlhatlhojwa o re thadisetsa ka buka e a e buisitseng.	<ul style="list-style-type: none"> ✓ Motlhatlhojwa a neele setlhogo sa buka. ✓ A neele maina a badiragatsi. ✓ A neele mokwadi wa buka eo. ✓ A supe modiragatsi mogolo wa buka. ✓ A re neele diteng ka tatelano. ✓ Bokhutlo e nne jo bo kgodisang mme bo tlhagise le molaetsa.

Kaedi ya go tshwaya: Thadiso ya Buka (Book Review)

- Motlhatlhojwa a kwale ka paka e e maleba.
- A dirise tlotlofoko e e senolang maikutlo a gagwe sentle, ke gore, a buka e ne e itumedisa.
- Motlhatlhojwa a kwale setlhogo sa buka.
- A neelane ka katlholo ya gagwe ka ga buka eo.
- Mo go kgonagalang teng a neelane ka lemorago la mokwadi wa buka.

2.4 POTSOTHERISANO (INTERVIEW)

Potsotherisano ke tiragatso e mo go yona mongwe a tsibogelang dipotso tse di gwetlhang kitso le maitemogelo.

Potsotherisano (Interview)	Dintlha tse di solofetsweng
<p>O morutwana yo o falotseng ditlhatlhobo tsa bofelo jwa ngwaga ka dinaledi. Kwala potsotherisano e o neng o e tsenetse le ba lokwalodikgang lwa Lobone.</p>	<ul style="list-style-type: none"> ✓ Motlhatlhojwa a tlhagise dintlha tse di maleba le potsotherisano e, jaaka, gore di tshwaretswe kae, leng, jalojalo. ✓ A tlhagise maitlomo a gagwe ka potsotherisano e. ✓ A tlhagise lebaka le le mo tlhotlheleditseng potsotherisano e. ✓ A supe bokgoni jwa gagwe jwa go botsa le go araba dipotso.

Kaedi ya go tshwaya: Potsotherisano (Interview)

- Dipotso le dikarabo tsa potsotherisano di nne maleba.
- Motlhatlhojwa a farologanye magareng ga Setswana se se kwalwang le se se buiwang.
- Motlhatlhojwa a tote dintlha tse di ka rutang le go rotloetsa.
- A rulaganye le go golaganya dipotso tsa gagwe sentle.
- A supe gore batho ba babedi ba a tlhaeletsana – yo o botsang le yo o arabang.

DITLHANGWA TSE DIKHUTSHWANE TSA TIRISANO**3.1 PHOUSERARA (POSTER)**

Ke mokgwa o motlhatlhojwa a ka o dirisang go phasalatsa tiragalo nngwe gore babuisi ba tle ba tsiboge ka tshwanelo.

Phousetara (Poster)	Dintlha tse di solofetsweng
Motlhatlhojwa o thala phousetara go ngoka barutwana go tla moletlong wa taelano ya bona.	<ul style="list-style-type: none"> ✓ Motlhatlhojwa a kwale leina la sekolo sa bona. ✓ A tthalose gore moletlo o ya go ketekelwa kwa kae, nako le lefelo. ✓ Motlhatlhojwa a tlhagise madi a sepalangwa, dijo le dinotsididi. ✓ Motlhatlhojwa a kwale diopedi tse di tla tsayang karolo ka letsatsi leo. ✓ Motlhatlhojwa a se lebale dinomoro tsa mogala le leina la morulaganyi.

Kaedi ya go tshwaya: Phousetara (Poster)

- E ngoke kgatlhego ya mmuisi.
- E boloke kgatlhego ya mmuisi.
- E dire gore mmuisi a ikwadisetse go tsenela moletlo oo.
- Sebopego le fonto.
- Maitlhommo
- Nonofa ya tlhopho ya mmala kgotsa go tlhokagala ga mmala.
- Puo e e susumetsang.
- Motlhatlhojwa a bontshe nako le lefelo le moletlo o yang go tshwarelwa gona, dinomoro tsa mogala tsa morulaganyi wa moletlo.
- Motlhatlhojwa a tlhagise tlhotlha e mongwe le mongwe a solofetsweng go e duela.

3.2 BUKATSATSI (DIARY)

Bukatsatsi ke buka e go kwadiwang ditiragalo tsa letsatsi le letsatsi.

Bukatsatsi (Diary)	Dintlha tse di solofetsweng
Motlhatlhojwa o kwala bukatsatsi ka ditiragalo tsa kwa kampeng ya dithuto tsa tlaleletso.	<ul style="list-style-type: none"> ✓ Motlhatlhojwa a kwale se se diragetseng fa ba ne ba le kwa kampeng. ✓ A tlhagise nako le lefelo. ✓ A tlhagise se a se ungwileng kwa teng. ✓ A kwale ka se se mo itumedisitseng/se se sa mo itumedisang.

Kaedi ya go tshwaya: Bukatsatsi (Diary)

- Dikgang e nne tsa ditiragalo tsa kwa kampeng e bile di nne dikhutshwane.
- Nako le lefelo di tlhagisiwe.
- Puo e e dirisiwang e ikaege ka ditiragalo tsa kwa kampeng e bile a ikwalele.

3.3 DIKAELO (DIRECTIONS)

Dikaelo ke tshedimosetso ya botlhokwa e e tlhagisiwang pele mongwe a tsaya loeto go nolofatsa tsela ya kwa a yang ntle le ketsaetsego. Dikaelo di tlhagisa tshedimosetso mabapi le matshwao a tsela, maina a mebila, meago le dinomoro tsa meago.

Dikaelo (Directions)	Dintlha tse di solofetsweng
Motlhatlhojwa o kwala dikaelo tse di sedimosang go fitlha kwa lefelong le a le kaetsweng.	<ul style="list-style-type: none"> ✓ Motlhatlhojwa o neela dintlha tsa tshedimosetso tse di tlhokegang ka botlalo. ✓ Motlhatlhojwa a se tsose ketsaetsego ka kaelo e a neelanang ka yona. ✓ A tlhagise maina a mebila, matshwao a tsela le meago e e tlhagelelang, jalojalo.

Kaedi ya go tshwaya: Dikaelo (Directions)

- Motlhatlhojwa a neele dintlha tsa tshedimosetso tse di tlhokegang.
- A tlhagise ka botlalo se se tshwanetseng go dirwa.
- Motlhatlhojwa a bontshe bokgoni jwa go kaela tsela a tlhagisa ditshupo tsotlhe tse di tlhokegang.
- Dipolelo tsa motlhatlhojwa e nne tse dikhutshwane e bile di le bonolo.
- Dikaelo di tlhagisiwe ka dintlha e seng temana.
- Dikaelo di se ke tsa nna dintsi thata tsa tloga tsa feta le tiro e e diriwang.